

meinung/ wie die neidigen vnd verechter/  
auß vnuerstand / oder wider ihr gewissen  
pflegen zu sagen/ es gesche nur auß eigenem  
ruhm/ bedencken nicht / was für fleis mühe  
vnd vnkosten darauff gehet/ Vnd was wir  
wissen würden / wann man keine Bücher  
beschrieben het / Sondern es geschicht für-  
nemlich zu Gottes lob / zu mehrung vnd  
besserung der künste / zu nutz der gemeine  
jugent / vnd allen so sie brauchen vnd be-  
dürffen/ auch irer Oberkeit vnd herrschafft  
zugefallen vnd ehren/ sich damit als danck-  
bare vnd fleissige gemüter zuerzeigen/ Sol-  
cher meinung hab ich mir auch fürgenom-  
men / ein wenig von der löblichen freyen  
kunst Arithmetica zuschreiben / Denn weil  
das Buch von rechnung der Stedte/ nichts  
von gemeiner handel vnd Hausrechnung  
lehret/ sondern ist ein sonderliche rechnung/  
Hat nichts für nutz vnd gut angesehen/  
auch ein Rechenbuch von kauffen vnd ver-  
kauffen darzu zu ordnen vnd vorzusetzen/  
Wiewol viel feiner vnd nützlicher Rechen-  
bücher beschrieben / aber von etlichen gar  
wenig gebraucht werden / Sondern mei-  
nen

nen